

## Izveštaj o radu Uprave policije MUP-a Kantona Sarajevo za mjesec februar 2022. godine

### KRIMINALITET

#### STATISTIČKI POKAZATELJI

U mjesecu februaru 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovan je 301 događaj sa obilježjem krivičnog djela (što je za 94 ili 23,8% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 143 ili 47,5% su evidentirana po poznatom izvršiocu, a 158 ili 52,5% po nepoznatom izvršiocu.

Od ukupno 158 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 50 ili 31,6% (što je za 11,4% više u odnosu na uporedni mjesec) od čega je devet događaja koji su evidentirani u mjesecu februaru, a 41 iz ranijeg perioda.

U izvještajnom mjesecu Uprava policije MUP-a Kantona Sarajevo je nadležnom tužilaštvu prosljedila na odluku putem administrativnog djelovodnika ukupno 177 obavijesti (46 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU FEBRUARU 2022/2021. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>FEBRUAR 2022. GODINE</b>	<b>301</b>	<b>143</b>	<b>158</b>	<b>50</b>	<b>41</b>	<b>175</b>	<b>3</b>	<b>105</b>	<b>69</b>	
FEBRUAR 2021. GODINE	395	202	193	39	20	231	8	139	67	
uporedba	+/-	-94	-59	-35	11	21	-56	-5	-34	2
	%	-23,8%	-29,2%	-18,1%	28,2%	105%	-24,2%	-62,5%	-24,5%	3%

U toku mjeseca februara ove godine prijavljeno je 175 lica (56 manje), 105 povratnika (34 manje) (ili 60% od ukupnog broja prijavljenih lica), tri maloljetnika (pet manje), a 69 lica je lišeno slobode (dva više).

Za događaje sa obilježjem krivičnog djela, koji su evidentirani u mjesecu februaru 2022. godine, prema izjavama oštećenih lica, nastupila je materijalna šteta u ukupnom iznosu od 596.801,00 i 10.000 € (u istom mjesecu prethodne godine 557.690,61 KM i 300 €).

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU FEBRUARU 2022/2021. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	FEBRUAR 2022. GODINE	FEBRUAR 2021. GOD.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	<b>14</b>	19	-5	-26,3%	10	4	1	25%
Protiv slobode i prava čovjeka i građan..	<b>19</b>	20	-1	-5%	17	2	1	50%
Protiv spolne slobode i morala	<b>0</b>	1	-1	---	0	0	0	---
Protiv braka, porodice i mladeži	<b>17</b>	12	5	41,7%	17	0	0	---
Protiv zdravlja ljudi	<b>25</b>	51	-26	-51%	25	0	0	---
Protiv imovine	<b>184</b>	251	-67	-26,7%	41	143	45	31,5%
Protiv okoliša	<b>1</b>	0	1	---	0	1	0	0%
Protiv opće sigurnosti ljudi i imovine	<b>9</b>	8	1	12,5%	3	6	1	16,7%
Protiv sigurnosti javnog prometa	<b>13</b>	6	7	116,7%	13	0	0	---
Protiv pravosuđa	<b>4</b>	3	1	33,3%	3	1	2	200%
Protiv javnog reda i pravnog prometa	<b>10</b>	15	-5	-33,3%	9	1	0	0%
Protiv podmićivanja i KD protiv služb...	<b>2</b>	7	-5	-71,4%	2	0	0	---
ZONDINOIM-a (Sl.novine KS br.01/18)	<b>3</b>	2	1	50%	3	0	0	---
UKUPNO	<b>301</b>	395	-94	-23,8%	143	158	50	31,6%

U mjesecu februaru 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 94 ili 23,8%. Smanjenje je zabilježeno u oblastima protiv imovine (za 67 događaja), zdravlja ljudi (za 26), života i tijela, javnog reda i pravnog prometa i „podmićivanja“ za po pet događaja, itd, dok je povećanje evidentirano u oblastima protiv sigurnosti javnog prometa (za sedam), braka, porodice i mladeži (za pet događaja), itd.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom februara 2022. godine evidentirano je 14 događaja sa obilježjem krivičnog djela iz oblasti protiv života i tijela (pet manje u odnosu na februar 2021. godine) i to 10 po poznatom i četiri po nepoznatom izvršiocu. Evidentirani su slijedeći događaji:

- ubistvo u pokušaju (član 166. KZ FBiH u vezi člana 28.) – dva (dva manje),
- teška tjelesna ozljeda (član 172. KZ FBiH) – četiri (dva manje) i
- lahka tjelesna ozljeda (član 173. KZ FBiH) – osam događaja (jedan manje).

Nadležnom tužilaštvu podneseni su službeni izvještaji protiv 12 lica, od koji je pet povratnika ili 41,7%, a pet je lišeno slobode.

**PROTIV SLOBODE I PRAVA ČOVJEKA I GRAĐANINA**

Iz ove oblasti evidentirano je 19 događaja sa obilježjem krivičnog djela (jedan manje) i to: ugrožavanje sigurnosti – 17 i protupravno lišenje slobode – dva događaja. Evidentirano 20 lica, od kojih je 11 povratnika (ili 55%), a sedam je lišeno slobode.

## PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu februaru evidentirano je 17 događaja sa obilježjem krivičnog djela (pet više) i to: nasilje u porodici - 15, zapuštanje ili zlostavljanje djeteta ili maloljetnika i izbjegavanje izdržavanja – po jedan događaj za čije izvršenje je prijavljeno 17 lica, od kojih je deset povratnika (ili 58,9%), a osam lica je lišeno slobode.

## PROTIV ZDRAVLJA LJUDI

Evidentirano je 25 događaja sa obilježjem krivičnog djela iz oblasti protiv zdravlja ljudi (26 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 23 događaja.

Nadležnom tužilaštvu podneseni su službeni izvještaji protiv 25 lica, među kojima su 22 povratnika (ili 88%), a 12 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv S.S. (1980) i O.A.(1980) zbog postojanja osnova sumnje da su u proteklom periodu u više navrata kupovali opojnu drogu "Marihuanu" i „Amfetamin“ od za sada nepoznatih lica, na raznim lokalitetima, istu prepakivali, a zatim vršili preprodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 23 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, itd.) čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

### PREGLED ODUZETE KOLIČINE OPOJNIH DROGA U MJESECU FEBRUARU 2022/2021. GODINE

vrsta opojne droge	FEBRUAR 2022. godine	FEBRUAR 2021. godine
Marihuana (paketići)	15	6
Marihuana (u gramima)	1.545,653	145,728
Heroin (u gramima)	---	19,613
Heroin (u paketićima)	15	---
Amfetamin (u gramima)	905	46,32
Speed (u gramima)	---	968
Speed (paketići)	8	12
Pribor sa ostacima droge	7	---

#### 1.2.5. PROTIV IMOVINE

U ovom mjesecu, evidentirana su 184 događaja sa obilježjem krivičnog djela protiv imovine (41 po poznatom i 143 po nepoznatom izvršiocu) što je za 67 ili 26,7% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 81 (37 manje),
- krađa (član 286. KZ FBiH) – 44 (16 manje),
- razbojništvo (član 289. KZ FBiH) – 17 (11 manje),
- oštećenje tuđe stvari (član 293. KZ FBiH) – 14 (osam manje),
- prijevarama (član 294. KZ FBiH) - deset (sedam više), itd.

Nadležnom tužilaštvu podneseni su službeni izvještaji protiv 51. lica, od kojih je 35 povratnika (ili 68,6%), a 22 su lišena slobode.

Od ukupno 143 događaja evidentirana po nepoznatom izvršiocu iz oblasti protiv imovine naknadno je rasvijetljeno 45 ili 31,5% što je za 11% više u odnosu na februar 2021. godine.

Prema objektima izvršenja teških krađa, 28 je izvršeno u stambene objekte (23 manje), 21. u prodavnice (četiri više), 18 u motorna vozila (otuđenja motornih vozila i “provale” u ista) (24manje), osam na ulici (isto), itd.

Tokom mjeseca februara ove godine evidentirano je otuđenje jednog motornog vozila, što je za 16 ili 94,1% manje u odnosu na februar prethodne godine. Takođe, zbog postojanja osnova sumnje da su učestvovali u otuđenju motornih vozila u ranijem periodu prijavljena su četiri lica koja su lišena slobode i uz službene izvještaje predata nadležnom tužilaštvu.

Evidentirana su 44 događaja sa obilježjem krivičnog djela krađe (16 manje) i to na ulici – 16, u poslovnim prostorijama – 13 puta, u vozilima i na stajalištima GRAS-a - devet, u stambenim objektima - tri, itd. odakle su otuđivani novčanici, mobiteli, bicikli, auto-dijelovi, itd.

Evidentirano je devet događaja sa obilježjem krivičnog djela teških krađa na naročito opasan ili naročito drzak način (isti broj), u kojima su izvršiocu, upotrebom fizičke snage (otimanjem i trganjem) - pet puta i verbalnom prijetnjom u četiri slučaja, otimali mobitele, novac, torbe i sl.

Navedeni događaji evidentirani su: četiri puta na ulici, tri u prodavnici, u apoteci i u stanu – po jednom, na području općina: Novi Grad – šest, Centar, Novo Sarajevo i Ilidža – po jedan, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv šest lica povratnika u činjenju krivičnih djela, a dva su lišena slobode.

Od ukupno devet događaja sa obilježjem krivičnog djela teških krađa na naročito opasan ili naročito drzak način evidentiranih po nepoznatom izvršiocu u mjesecu februaru ove godine, naknadno su rasvijetljena dva događaja kao i osam događaja iz ranijeg perioda.

Evidentirano je 17 događaja sa obilježjem krivičnog djela **razbojništva** (dva po poznatom i 15 po nepoznatom izvršiocu) što je za 11 ili 39,3% manje i to na području slijededćih policijskih uprava:

- III PU – pet (osam manje),
- II PU – tri (dva manje),
- Uprava policije u sjedištu - tri (isto),
- IV PU - tri (isto),
- I PU – dva (nije bilo ovig događaja) i
- V PU – jedan događaj (dva manje).

Nadležnom tužilaštvu podneseni su službeni izvještaji protiv 11 lica, od kojih je osam povratnika (ili 72,7%), a pet lica je lišeno slobode.

Od ukupno 15 događaja sa obilježjem krivičnog djela razbojništva, evidentiranih po nepoznatom izvršiocu, naknadno je rasvijetljeno pet ili 33,3% (što je za 12,5% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - sedam puta, prijetnjom upotrebe noža ili drugog oštrog predmeta – tri i upotrebom fizičke snage – sedam puta, a počinjena su u prodavnicama

– devet puta, na ulici i u stambenim objektima – tri i u apoteci – dva. Otudivani su mobiteli, novac, torbe, itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (jedan više) i to: izazivanje opće opasnosti – sedam, teška krivična djela protiv opće sigurnosti ljudi i imovine i izazivanje opće opasnosti u pokušaju – po jedan događaj, a nadležnom tužilaštvu podneseni službeni izvještaji protiv četiri lica, od kojih su dva povratnika ili 50%, a jedno je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru šest puta i u stambenom objektu – jedan, pri čemu je tri puta aktivirana nepoznata eksplozivna naprava, u tri slučaju otvorenim plamenom izazvan je požar i u jednom slučaju je upotrijebljeno vatreno oružje. Posljedica izvršenja navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je 10 događaja sa obilježjem krivičnog djela (pet manje) i to: nasilničko ponašanje - pet, nedozvoljeno držanje oružja ili eksplozivnih materija – tri, napad na službenu osobu u vršenju poslova sigurnosti i lažno predstavljanje – po jedan događaj.

Nadležnom tužilaštvu podneseni su službeni izvještaji protiv 11 lica od kojih je šest povratnika (ili 54,5%), a dva su lišena slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu februaru 2022. godine evidentirana su tri događaja sa obilježjem krivičnog djela, u kojima su učestvovala tri maloljetna lica. U odnosu na isti mjesec 2021. godine smanjen je broj događaja sa obilježjem krivičnog djela, kao i broj prijavljenih maloljetnih lica za pet ili 62,5%. Prijavljeni maloljetnici su u dobi od 14 do 16 godina – jedan, od 16 do 18 godina – dva. Od ukupnog broja maloljetnika jedan je povratnik u izvršenju događaja sa obilježjem krivičnog djela.

#### OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU FEBRUARU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
<b>FEBRUAR 2022. GODINE</b>	<b>3</b>	<b>3</b>
FEBRUAR 2021. GODINE	8	8
<i>uporedba</i>	<i>-5 ili 62,5%</i>	<i>-5 ili 62,5%</i>

#### STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU FEBRUARU 2022/2021. GODINE

događaji sa obilježjem krivičnog djela (KZ FBiH)	februar 2022.	februar 2021.
Teška tjelesna ozljeda	---	1
Lahka tjelesna ozljeda	1	1
Posjedovanje i omogućavanje uživanja opojnih droga	---	2
Razbojništvo	---	2
Udruživanje radi činjenja krivičnih djela	2	---
Nasilničko ponašanje	---	2
ukupno	3	8

## AKTIVIRANJE MINSKO-EKSPLOZIVNIH SREDSTAVA

U toku mjeseca februara 2022. godine na području Kantona Sarajevo evidentirano je pet događaja aktiviranja minsko-eksplozivnih sredstava (tri u februaru 2021. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca. U toku mjeseca februara 2022. godine evidentirana su tri slučaja anonimne dojava o postavljanju eksplozivne naprave (jedna u februaru 2021. godine).

## POŽARI

Tokom mjeseca februara 2022. godine, na području Kantona Sarajevo registrovano je 17 požara (četiri manje u odnosu na isti mjesec prethodne godine), u kojima su tri lica lakše povrijeđena. Prema statističkim pokazateljima, četiri požara su izazvana namjerno, jedan nehatom, pet zbog tehničkih nedostataka, dok uzroci sedam požara spadaju u kategoriju ostalih.

Požari su registrovani u:

- Stambenom objektu - osam puta,
- Saobraćajnom sredstvu - šest,
- Poslovnom prostoru - jednom,
- Ostalim objektima - dva puta.

Zbog izazivanja požara nadležnom tužilaštvu podnesena su tri službena izvještaja iz člana 323 KZ FBiH (izazivanje opće opasnosti).

## SAMOUBISTVA

U mjesecu februaru 2022. godine na području Kantona Sarajevo registrovana su dva samoubistva koja su izvršena vješanjem. U uporednom mjesecu nije bilo registrovanih samoubistava. Samoubistva su izvršena na području općina: Stari Grad i Novi Grad, a izvršiooci su muškarci starosne dobi preko 60 godina.

## OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 11 pištolja, jedan nož, tri ručne bombe, pola kilograma eksploziva i 159 komada municije raznog kalibra.

Tokom mjeseca februara ove godine fizičkim licima izdato je 200 odobrenja za nabavku vatrenog oružja i 158 oružnih listova.

## JAVNI RED I MIR

U toku mjeseca februara 2022. godine u oblasti protiv javnog reda i mira evidentiran je 341 prekršaj (286 ili 45,6% manje u odnosu na isti mjesec 2021. godine), za čije je izvršenje prijavljeno 384 lica (258 ili 40,2% manje), od čega je 88 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 266 naloga i podneseno je 75 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 318 prekršaja (ili 93,2%), a na prekršaje koji su utvrđeni Odlukom općinskih vijeća o javnom redu i miru 23 (ili 6,7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (182), između 26 i 35 godina (145), između 19 i 25 godina (56) i do 18 godina – jedan učinilac.

Prilikom narušavanja javnog reda i mira u mjesecu februaru 2022. godine, nije bilo teže povrijeđenih lica (isto kao u februaru 2021. godine), dok je 11 lica (osam više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC FEBRUAR 2022/2021.GODINA

PREKRŠAJI IZ ZAKONA O JRIM:	februar 2022.	februar 2021.	+ - %
<i>-Tuče</i>	33	14	+19 ili 135,7%
<i>-Naročito drsko ponašanje</i>	37	28	+9 ili 32,1%
<i>-Odbijanje naređenja i omalovaž. pol. služb.</i>	14	123	-109 ili 88,6%
<i>-Prosjačenje</i>	141	114	+27 ili 23,7%
<i>-Svađa, vika, nepristojno ponašanje</i>	12	8	+4 ili 50%
<i>-Paljenje petardi</i>	---	---	---
<i>-Uživanje opojne droge na javnom mjestu</i>	5	1	+4 ili 400%
<i>-Ostali prekršaji iz Zakona o JRiM</i>	76	320	-244 ili 76,2%
Prekršaji prema Odluci općinskog vijeća o JRiM	23	19	+4 ili 21%
ukupno	341	627	-286 ili 45,6%

Iz tabelarnog pregleda vidljivo je, da je tokom mjeseca februara 2022. godine, u odnosu na februar prethodne godine prema strukturi povećan sljedeći broj prekršaja:

- prosjačenje za 27
- tuče za 19
- naročito drsko ponašanje za 9
- svađa, vika, nepristojno ponašanje za 4
- uživanje opojne droge na javnom mjestu za 4
- prekršaja koji su regulisani Odlukom općinskih vijeća za 4

dok je smanjen broj:

- ostalih prekršaja za 244
- odbijanje naređenja i omalovažavanje policijskih službenika za 109.

Prema mjestu izvršenja, najveći broj prekršaja evidentiran je na ulici i na drugim otvorenim prostorima – 308 (90,3% od ukupnog broja), a znatno manje u ugostiteljskim objektima – 7, u trgovinama i zanatski radnjama – 2, u vozilima javnog saobraćaja - 1 i na ostalim mjestima - 23 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC  
FEBRUAR 2022/2021. GODINE

MJESTO IZVRŠENJA	FEBRUAR 2022.	FEBRUAR 2021.	+ - %
Ugostiteljski objekti	7	3	+4 ili 133,3%
Ulice i drugi otvoreni prostori	308	612	-304 ili 49,7%
Sportski stadioni	---	---	---
Škole i školska dvorišta	---	---	---
Trgovine i zanatske radnje	2	1	+1 ili 100%
Vozila javnog saobraćaja	1	---	+1
Ostala mjesta	23	11	+12 ili 109,1%
UKUPNO	341	627	-286 ili 45,6%

U odnosu na isti mjesec 2021. godine, smanjen je broj prekršaja evidentiranih na ulicama i drugim otvorenim prostorima za 304 prekršaja, dok je povećanje evidentirano:

- na ostalim mjestima za 12

- u ugostiteljskim objektima za 4,
- u trgovinama i zanatskim radnjama za 1 i
- u vozilima javnog saobraćaja za jedan.

Na području Kantona Sarajevo u mjesecu februaru 2022. godine održano je 147 javnih skupova (96 ili 188,2% više u odnosu na mjesec februar 2021. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 14 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu februaru 2022. godine registrovano je 487 saobraćajnih nezgoda (52 ili 9,6 % manje), od čega je 414 sa materijalnom štetom (79 ili 16 % manje) i 73 sa nastradalim licima (27 ili 58,7 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU FEBRUARU 2022./21. GODINE

	februar 2022	februar 2021	uporedba
UKUPNO SAOBRAĆAJNIH NEZGODA	487	539	- 52 ili 9,6 %
Saobraćajne nezgode sa nastradalim licima	73	46	+ 27 ili 58,7 %
Saobraćajne nezgode sa materijalnom štetom	414	493	- 79 ili 16 %
POGINULO LICA	0	2	- 2
- vozači	0	1	- 1
- putnici	0	1	- 1
- pješaci	0	0	----
POVRIJEĐENO LICA	96	52	+ 44 ili 84,6 %
- vozači	50	25	+ 25 ili 100 %
- putnici	29	16	+ 13 ili 81,2 %
- pješaci	17	11	+ 6 ili 54,5 %

U naselju je registrovana 441. saobraćajna nezgoda (63 sa povrijeđenim licima i 378 sa materijalnom štetom), van naselja 46 nezgoda (10 sa povrijeđenim licima i 36 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU FEBRUARU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		12	51	378	<b>441</b>		12	68
van naselja		1	9	36	<b>46</b>		1	15
<b>UKUPNO</b>		<b>13</b>	<b>60</b>	<b>414</b>	<b>487</b>		<b>13</b>	<b>83</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 327 nezgoda u kojima je 49 lica povrijeđeno (11 teže i 38 lakše),
- na lokalnim putevima - 52 (osam lica lakše povrijeđeno),
- na magistralnim putevima - 48 nezgoda u kojima su 23 lica povrijeđena (jedno teže i 22. lakše),
- na regionalnim putevima - 20 (pet lica lakše povrijeđeno),
- na putevima koji se ubrajaju u kategoriju ostalih - 40 nezgoda u kojima je 11 lica povrijeđeno (jedno teže i 10 lakše).



## POSljedICE SAOBRAĆAJNIH NEZGODA

Tokom mjeseca februara 2022. godine, u saobraćajnim nezgodama na području Kantona Sarajevo 96 lica je povrijeđeno (44 ili 84,6 % više), od čega 13 teže (tri ili 30 % više) i 83 lakše (41 ili 97,6 % više). U mjesecu februaru nije bilo poginulih lica (u mjesecu februaru prošle godine dva).

### LICA POVRIJEĐENA U SAOBRAĆAJNIM NEZGODAMA

Od ukupno 96 povrijeđenih lica u mjesecu februaru 2022. godine evidentirano je: 50 vozača (tri teže i 47 lakše), 29 putnika (dva teže i 27 lakše) i 17 pješaka (osam teže i devet lakše).

Starosna struktura nastradalih lica u saobraćajnim nezgodama je slijedeća:

- ispod 6 godina - jedno lice,
- od 6 do 14 godina - devet,
- od 15 do 20 godina - 10,
- od 21 do 24 godine - 11,
- od 25 do 30 godina - 15,
- od 31 do 40 godina - 20,
- od 40 do 50 godina - 12,
- od 51 do 65 godina - 10,
- 66 i više godina - sedam,
- Nepoznata starosna dob - jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - sedam lica,
- od 23 do 30 godina - 11,
- od 30 do 40 godina - 14,
- od 40 do 50 godina - sedam,
- od 50 do 60 godina – pet,
- 60 i više godina - četiri,
- nepoznata starosna dob- dva lica

## UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 78 (26 lica povrijeđeno, jedno teže i 25 lakše),
- uticaj alkohola - dva (bez nastradalih lica),
- ostali uzroci - 407 (70 lica povrijeđeno, 12 teže i 58 lakše).

### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca februara 2022. godine, policijski službenici Uprave policije MUP-a Kantona Sarajevo kontrolisali su:

- 16.746. vozila i vozača (514 više),
- 4.396 lica u vozilima (109 manje),
- pregledali 596 vozila (394 više) i 380 lica u vozilima (232 više).

Zbog tehničke neispravnosti iz saobraćaja je isključeno 49 vozila (dva manje), 395 vozača je zatečeno da upravljaju vozilom pod dejstvom alkohola (247 više), 584 lica bez korištenja sigurnosnog pojasa

(243 više), 129 vozača bez položenog vozačkog ispita (osam manje), 73 vozača pod izrečenom zaštitnom mjerom (14 više), 318 vozača je zatečeno da koriste mobitel tokom vožnje (11 više) i 133 vozila koja su učestvovala u saobraćaju bez važeće registracije (46 manje).

Zbog kršenja propisa iz oblasti sigurnosti saobraćaja uručena su 15.792 prekršajna naloga vozačima (1.756 ili 12,5 % više u odnosu na mjesec februar prošle godine) i podnesena 194 zahtjeva za pokretanje prekršajnog postupka (22 ili 12,8 % više).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla i vršenja radnji vozilom u saobraćaju.

#### MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca februara 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 9.095 prekršajnih naloga (2.480 više), upozorena su 234 vozača (pet više), a specijalnim vozilom "pauk" premješteno je 137 vozila (56 više).

Takođe, pješacima koji su kršili propise uručena su 193 prekršajna naloga (50 više), a upozorena su 32 pješaka (četiri više).

#### **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju prevencije i koordinacije Rada policije u zajednici sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovane su slijedeće aktivnosti:

- Učestvovanje u Dijalogu mladih i vlasti - u susret strategiji prema mladima, organizovanom u od strane Razvojnog programa Ujedinjenih nacija (UNDP) u BiH i Instituta za razvoj mladih KULT,
- Učestvovanje na dvodnevnoj edukaciji iz oblasti znakovnog jezika za namještenike koji obavljaju poslove i zadatke na šalteru i policijske službenike koji su svakodnevno u direktnom kontaktu sa građanima. Navednu edukaciju organizovalo je Ministarstvo unutrašnjih poslova u saradnji sa Udruženjem gluhih i nagluhih Kantona Sarajevo,
- Učestvovanje na dvodnevnom treningu na temu „Borba protiv trgovine ljudima“, koji je za policajce u zajednici Uprave policije MUP-a KS i pedagoge/psihologe srednjih škola sa područja Kantona Sarajevo organizovalo VTSV BiH uz podršku MFS EMMAUS - Centar za sigurni internet i Ministarstva za odgoj i obrazovanje Kantona Sarajevo,
- Učešće na raznim kulturnim i sportskim dešavanjima na lokalitetu Babin do Bjelašnica kao i učešće na manifestaciji obilježavanja 80.godišnjice Igmanskog marša,
- Nastavljena je realizacija projekata: „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u BiH“, „Lopov uvijek bude otkriven“ kao i

edukativnih radionica na teme: „Stop vršnjačkom nasilju“, „Stop drogama“, za učenike osnovnih škola na području Kantona Sarajevo.

## MIGRANTI

Na osnovu Izvještaja Operativnog tima za pitanja migranata, a prema podacima International Organization for Migration (IOM-a) na području Kantona Sarajevo u prihvatnim, azilantskim i imigracionim centrima trenutno boravi cca 1.167 migranata (2.861 ili 71% manje u odnosu na februar prethodne godine).

U mjesecu februaru 2022. godine migranti su učestovali u devet događaja sa obilježjem krivičnog djela (jedan ili 12,5% više) i to:

- Lahka tjelesna ozljeda (član 173. KZ FBiH-a) – jedan,
- Krađa (član 286. KZ FBiH-a) – jedan,
- Krađa u pokušaju (član 286. u vezi člana 28. KZ FBiH-a) – dva,
- Teška krađa (član 287. KZ FBiH-a) – jedan,
- Teška krađa u pokušaju (član 287. u vezi čl. 28. KZ FBiH-a) – jedan,
- Razbojnička krađa (član 288. KZ FBiH-a) – jedan i
- Razbojništvo (član 289. KZ FBiH-a) – dva događaja.

Tokom mjeseca februara 2022. godine, policijski službenici su kontrolisali 60 migranata, od čega pet nije posjedovalo registracijski obrazac i isti su predati službi za poslove sa strancima radi registracije, a 14 migranata je smješteno u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC FEBRUAR 2022. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.167
UKUPAN BROJ KONTROLISANIH MIGRANATA	60
BROJ MIGRANATA LIŠENIH SLOBODE	5
BROJ KRIVIČNIH DJELA POČINJENIH OD STRANE MIGRANATA	7
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	7
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	19

Sarajevo, 14.03.2022. godine

Odjeljenje za odnose s javnošću